

# Bilten

Periodično informativno glasilo SDA Sandžaka

BROJ

# 2

FEBRUAR, 2014.



# 10 GLASAJ ZA SEBE

• SDA Sandžaka - Dr. Sulejman Ugljanin



## UVODNIK

Dragi prijatelji,

U ovom, drugom broju, Biltena SDA Sandžaka možete pronaći informacije o pripremama Stranke demokratske akcije Sandžaka za vanredne parlamentarne izbore koji očekuju Srbiju 16. marta ove godine.

Informacije o pripremama koje su počele razgovorima sa drugim bošnjačkim partijama o ujedinjenju u jedinstveni „Bošnjački blok“, sa ciljem da se na jednom mjestu okupe sve bošnjačke partije i spriječi rasipanje bošnjačkih glasova, te dalji tok priprema koji kroz razgovore sa političkim strankama drugih nacionalnih manjina i pojedinim većinskim strankama.

U ovom broju vas bliže upoznajemo i sa odlukom o samostalnom izlasku na predstojeće izbore sa jedinom listom bošnjačke nacionalne manjine „SDA Sandžaka - Dr. Sulejman Ugljanin“, čije ciljeve i ideje prenosimo kroz intervju Predsjednika Stranke, Dr. Sulejmana Ugljanina.

Drugi broj Biltena donosi i odluke i zaključke VII Skupštine SDA Sandžaka koja je pored novog Statuta Stranke demokratske akcije Sandžaka, donijela i važne zaključke za dostizanje pravne sigurnosti, jednakosti svih pred zakonom, što su preduslovi za ekonomski razvoj Sandžaka.

Evropske integracije su jedan od ključnih programskih ciljeva SDA Sandžaka i one donose niz izazova sa kojim se Srbija suočava. Oblasti i poglavlja pregovora Srbije i EU otvaraju mogućnost za rješenja za koja se zalaže SDA Sandžaka kao stranka bošnjačke nacionalne zajednice u Srbiji.

Proglašenje liste „SDA Sandžaka – Dr. Sulejman Ugljanin“ pod rednim brojem 10 otvorilo je konsultacije o izbornoj kampanji sa organima Stranke koje su se održale u svim sandžačkim gradovima, a njihove detalje i ključne poruke, takođe, prenosimo u ovom izdanju.

Stranka demokratske akcije Sandžaka ovom kampanjom predstavlja svoj plan o jedinstvu Bošnjaka, dostizanju pravne sigurnosti u Sandžaku, vladavine prava i jednakosti svih pred zakonom, borbu protiv kriminala i korupcije kao preduslove za poboljšanje kvaliteta života sa svih aspekata.

SDA Sandžaka pruža Bošnjacima mogućnost da glasaju za sebe, da biraju svoje i dobiju prvi bošnjački poslanički klub u Skupštini Srbije, zato vas pozivamo da podržite listu broj 10 „SDA Sandžaka – Dr. Sulejman Ugljanin“.

Tim Centra za komunikacije

## U ovom broju:

- Jedinstveni bošnjački blok najbolje štiti interese Bošnjaka .....	3
- Razgovori oko formiranja bošnjačke unije.....	3
- Razgovori sa predstavnicima manjina.....	4
- Dosljedni sebi i evropskom putu.....	5
- Cilj nam je da okupimo Bošnjake.....	6
- Jedinstvo Bošnjaka gradimo sa narodom.....	9
- Novi Statut Stranke, pravna sigurnost i evropska budućnost.....	10
- SDA Sandžaka - Dr. Sulejman Ugljanin jedina Bošnjačka lista na ovim izborima....	11
- AM SDA Sandžaka u Turskoj na seminaru posvećenom izbornim kampanjama.....	13
- Asocijacija Mladih SDA Sandžaka poziva omladinu da se upiše u birački spisak.....	13
- Gostovanje predsjednika Ugljanina na Jutarnjem programu TV Pink.....	14
- Pokrenuti postupke kod nadležnih državnih organa.....	18
- „Vjerujem da će istina izaći na vidjelo“ .....	18
- Tužbe proističu iz svjedočenja Ljajićevih bliskih saradnika, članova SDP-a.....	19
- Pripremni skupovi u sandžačkim gradovima.....	20
- Ministar Ugljanin počasni gost na proslavi ITEC-a u Beogradu.....	24
- Ambasada Kuvajta obeležila 53. godišnjicu nezavisnosti države.....	25
- „Predivne noći Indonezije“ u Beogradu.....	26
- Turizam važan faktor razvoja i saradnje .....	27
- Atmosfera sa prikupljanja potpisa podrške listi SDA Sandžaka - Dr. Sulejman Ugljanin.....	28

Izdavač: SDA Sandžaka



Stevana Nemanje 25, 36300 Novi Pazar

Tel: 020/313-032 Fax: 020/313-034

Email: centrala@sda.rs

Web: www.sda.rs

Uredio i dizajnirao:  
Centar za komunikacije SDA Sandžaka

Odlukom Glavnog odbora SDA Sandžaka  
od 1. februara 2014. godine intenzivirani razgovori o izborima

# Jedinstveni bošnjački blok najbolje štiti interese Bošnjaka

Glavni odbor SDA Sandžaka je na sjednici ovlastio Predsjedništvo Stranke da intenzivira razgovore sa drugim bošnjačkim strankama u cilju formiranja jedinstvenog bošnjačkog bloka.

SDA Sandžaka smatra da bi formiranje jedinstvenog bošnjačkog bloka na najbolji način štiti bošnjačke interese u Srbiji.

Razgovori o mogućim predizbornim koalicijama vode se i sa ostalim strankama.

Konačna odluka o načinu izlaska na predstojeće parlamentarne izbore biće donijeta narednih dana .



## Razgovori oko formiranja bošnjačke unije

Zamjenik predsjednika SDA Sandžaka Šemsudin Kučević na čelu delegacije Predsjedništva Stranke, sastao se juče sa predstavnicima Bošnjačke demokratske zajednice u Novom Pazaru. Tom prilikom oni su razgovarali o formiranju jedinstvene bošnjačke unije.

Dijalog je bio konstruktivan i protekao je u prijateljskoj atmosferi.

Takođe, delegacija SDA Sandžaka obavila je

niz uspješnih razgovora i sa predstavnicima Narodnog pokreta Sandžaka u Sjenici i predstavnicima Demokratske partije Sandžaka u Prijepolju.

Predsjedništvo Stranke je konstatovalo da postoji pozitivno raspoloženje za formiranje jedinstvene bošnjačke unije.

Nakon formiranja bošnjačke unije vodiće se razgovori sa ostalim manjinskim strankama u cilju formiranja izborne liste nacionalnih manjina.

# Razgovori sa predstavnicima manjina

Predsjednik SDA Sandžaka i ministar dr. Sulejman Ugljanin, sastao se sa predsjednikom Rusinske demokratske stranke Miroslavom Bersermenjijem, zatim sa predsjednikom Romske partije Srđanom Šainom i sa Jan Paulom, predsjednikom Slovačke stranke.

Oni su razmatrali opciju oko zajedničkog izlaska na predstojeće izbore. Na obostrano zadovoljstvo, njihov dijalog je tekao u prijateljskom smjeru,

pa su predstavnici manjinskih partija, izrazili spremnost da zajednički nastupe na predstojećim izborima. Svaki glas predstavnika nacionalnih manjina, uvećao bi šansu, za dobijanje što većeg broja poslanika manjinskog kluba.

Predsjednik Ugljanin je podržao nastavak pregovore sa svim predstavnicima manjinskih stranaka u cilju smanjivanja rasipanja glasova manjinskih zajednica.



Predsjednik SDA Sandžaka dr. Sulejman Ugljanin, sastao se sa predsjednikom Demokratske levice Roma Jovanom Damjanovićem, zatim sa predsjednicom Demokratskog pokreta Rumuna Natašom Tošić i Građanskom inicijativom Goranaca. Oni su razgovarali o potencijalnim mogućnostima da zajedno nastupe na predstojećim izborima.

Predsjednici ovih partija prihvalili su ideju predsjednika Ugljanina i njegove napore da formira jedinstvenu izbornu listu koju bi sači-

## *Razgovori sa predstavnicima Roma, Rumuna i Goranaca*


njavali predstavnici nacionalnih manjina. Oni su izrazili spremnost da se pridruže manjinskoj uniji, kojoj, kako vreme odmiče, žele da se priključe

i mnogi drugi predstavnici stranaka nacionalnih manjina.

U cilju smanjenja rasipanja glasova manjinskih zajednica i kako bi uvećao šansu za dobijanje što većeg broja poslanika manjinskog kluba, lider SDA Sandžaka dr. Sulejman Ugljanin nastavio je pregovore sa svim predstavnicima manjinskih stranaka.

Stranka demokratske akcije Sandžaka izlazi samostalno na parlamentarne izbore 16. marta

# Dosljedni sebi i evropskom putu



Predsjednik SDA Sandžaka Dr. Sulejman Ugljanin, saopštio je odluku Stranke o načinu izlaska na parlamentarne izbore.

*“Stranka demokratske akcije Sandžaka na parlamentarne izbore 16. marta ove godine, izlazi samostalno, sa listom pod nazivom SDA Sandžaka - Dr Sulejman Ugljanin.*

*SDA Sandžaka već pune 23 godine predstavlja i štiti interese Bošnjaka. Jedno od ključnih načela SDA Sandžaka je borba za pravnu sigurnost i evropsku budućnost.*

*SDA Sandžaka ocjenjuje da je položaj bošnjačkog naroda u Republici Srbiji još uvijek na niskom nivou, što je bio još jedan od razloga da pozovemo sve bošnjačke partije za formiranje bošnjačkog bloka.*

*Vjerujemo da je to bila idealna prilika da se prekine praksa rasipanja bošnjačkih glasova koja ide direktno na štetu Bošnjaka u Srbiji. Međutim, ostale bošnjačke stranke našle su svoj interes na listama velikih srpskih stranaka i koalicija, čime se cijepa bošnjačko biračko tijelo i znatno umanjuju šanse za ostvarenje bošnjačkih nacionalnih interesa.*

*SDA Sandžaka poziva građane da na predstojećim parlamentarnim izborima podrže izbornu listu SDA Sandžaka - Dr Sulejman Ugljanin.”*

10. februar 2014. godine

***“Idealna prilika da se prekine praksa rasipanja bošnjačkih glasova koja ide direktno na štetu Bošnjaka u Srbiji”***

# Cilj nam je da okupimo Bošnjake

Intervju Novom Magazin u Dr. Ugljanin:

“Kao što je poznato, skoro sve partije vodile su međusobne dijaloge oko sklapanja eventualnih koalicija i zajedničkih nastupa na predstojećim izborima. I mi smo vodili slične razgovore, jer je naš ključni cilj da spriječimo rasipanje bošnjačkih glasova. Radi toga smo pokušali da napravimo bošnjački blok, ali nismo imali mehanizme kakve imaju velike političke stranke i neki bošnjački poli-

tički lideri, koji su našli interes na njihovim listama”, kaže Ugljanin za Novi magazin i dodaje:

“Stranka demokratske akcije Sandžaka kao manjinska stranka samostalno izlazi na izbore sa prepoznatljivim imenom, istim ciljem i stavovima. Pokušaćemo da okupimo Bošnjake, građane, glasače, da im pružimo šansu da se oni okupe na jednoj listi”.

*Šta može da donese izlazak u više kolona?*

Ponovila bi se 2012, kada su se bošnjački politički lideri uhlebili na listama velikih stranaka i razbili bošnjačko biračko tijelo. Dobili smo samo dva autentična poslanika, umjesto mogućih pet ili šest koji bi bili značajan i prepoznatljiv politički faktor i za predsjednika države i za premijera i za sve ministre i predstavnike naše buduće savezne države EU. Mislim da ćemo sada uspjeti da okupimo biračko tijelo.

*Na čemu temeljite tu procjenu?*

Znate, što su Bošnjaci išli na više liste – nezaposlenost i siromaštvo su bivali sve veći. Ljudi loše žive, u Novom Pazaru je 53 odsto ljudi nezaposleno. Jednostavno, što su bili dalje od SDA bilo im je teže, mislim da su se ljudi opametili, da su vidjeli da je SDA njihov predstavnik i da će sada ispraviti grešku.

Kao čovjek, intelektualac, političar i građanin ove zemlje veoma sam ponosan na svoj koncept održivog razvoja nedovoljno razvije-



nih područja. Mi smo zemlja koja je već 32 godine u političkoj i ekonomskoj tranziciji, za tekli smo 48 nerazvijenih opština, sada ih je 46, ali to nije sve; moj tim – među kojima su veoma obrazovani ljudi iz svih oblasti – i ja postavili smo održiv razvoj na naučnim osnovama i napravili plan koji je stavljen u okvire projektovanog evropskog budžeta 2014-2020.

Smanjili smo i distancu između nedovoljno razvijenih opština i Vlade Srbije. Govorim i na osnovu ličnog iskustva – za četiri godine mandata predsjednika opštine nisam mogao da dođem na razgovor sa ministrom, a naši predsjednici nerazvijenih opština danas mogu da razgovaraju sa svim ministrima.

Mi zakažemo sastanke i odvedemo ih. Naš rad je dao rezultate, sve opštine su dobile urbanistička akta, prostorni plan, katastar...

*Ono što je preduslov za investicije?*

Da, bez toga nema projekata. Mi i finansiramo projekte održivog razvoja. Dalje, zajedno sa Ministarstvom pravde i lokalne samouprave koje vodi kolega Selaković i Poštom, u sve opštine smo uveli elektronske matične knjige. To je nešto o čemu sam sanjao.

*Često zemljaci ministrima zamjeraju da ih zaborave čim dođu u Nemanjinu. Koliko su u pravu?*

Ministar s kojim razgovarate

uspio je da u Sjenici napravi projekat održivog razvoja poljoprivrede i sela. Kancelarija je uložila dva miliona evra, Češka, švajcarska i EU ulažu tri miliona. Univerzitetu u Novom Pazaru smo kupili opremu za ispitivanje zemljišta, vode i hrane, naši studenti imaju najsavremeniju tehniku za naučnu bazu, a istovremeno mogu da pruže usluge i proizvođačima hrane. Uveli smo standard Hasap u svih 46 nerazvijenih opština i još sedam ranije. Svake godine u nerazvijenim opštinama Sandžaka, uključujući Rašku, Ivanjicu i od ove godine Brus, ulažemo u razvoj poljoprivrede. Tako je

za žene, motivisali smo žene da na svojim poslovnim idejama naprave biznis plan i za tri mjeseca su počele da prodaju rasad, za šest papriku i paradajz. Domaćice koje su čekale da neko razvije Srbiju uključile su se u posao! Ne samo u Sandžaku, 6. marta organizujemo i ovdje sajam "Upoznaj ljepote Homolja i Sandžaka, da bi još više zavolio tu stranu Srbije".

*Kako ocjenjujete ustavno-pravni i faktički položaj Bošnjaka i šta su najvažniji problemi i zadaci njihovih političkih predstavnika?*

Kratko – ovdje ne postoji neophodni minimum interesa i razumijevanja najviših političkih lidera za Bošnjake; oni teže da budu politički lideri Srbije, a nažalost su samo srpski politički lideri. Dobro je da se bave Kosovom, unutrašnjim pitanjima od nacionalnog značaja, ali još nemaju kvalitet potreban da budu politički lideri Srbije, predsjednici i premijeri svih građana. Oni to nisu. Trudim se da im pomognem da to postanu, da se brinu i o Bošnjacima i o drugim narodima.

Nedavno je bio veliki problem sa udžbenicima.

Po Zakonu o obrazovanju 2. septembra je uvedena nastava za Bošnjake na maternjem jeziku. Do 1. novembra sam u Vladi imao čitave diskusije da ubedim kolege i ministra prosvjete da usvojimo program mjera da se to implementira na



761 domaćinstvo dobilo moto-kultivator, plastenik ili drugo za razvoj poljoprivrede.

Sa Amerikancima smo imali zajednički projekat agrobiznis

terenu. Nažalost, iako smo donijeli program mjera, stanje na terenu je gore nego prije. Niko u Vladi od nadležnih za tu oblast ne pokazuje ni minimum interesa da nagradi ljude ili da ih kazni.

*Kažete i kolegama da bez obrazovanja i zapošljavanja mladi klizaju u ekstremizam?*

Rekao sam – što više velike

ravnopravna zastupljenost, maksimalna integracija u sve državne institucije na lokalnom i republičkom nivou.

Otpor je veliki, iako smo potpisali dogovor; a ja ne mogu da idem na sud sa koalicionim partnerima.

*Na čemu ćete insistirati u kampanji?*

da politički lideri koji cijepaju bošnjačko biračko tijelo kažu: “Pa, šta vi Bošnjaci hoćete, niko od vas nema ni 30 odsto glasova, s kim da razgovaramo?”

*Cilj je pet poslanika?*

Što više, kako bismo formirali poslanički klub sami ili sa nekim. Nismo mi jedina ma-



## Naš cilj je poslanički klub u Parlamentu

stranke hrle da prigrabe bošnjačke stranke na svoje liste, direktno rade na štetu Bošnjaka. Kao država, a to su ljudi koji su momentalno na vlasti, dužni smo da omogućimo manjinama da dobiju svoje legitimne predstavnike u parlamentu, vlasti, institucijama.

Sa svojim koalicionim partnerima ja sam potpisao ugovor u kojem smo tačno definisali dinamiku šta treba da učinimo za Bošnjake, u prvih šest mjeseci, drugih šest...

Do danas smo dobili dva državna sekretara i ništa drugo, a bilo je predviđeno učešće Bošnjaka u javnom životu, obrazovanje na bosanskom jeziku,

Usmjerićemo kampanju na to da objasnimo Bošnjacima kako već 20 godina rade na mobu, a izdali su stan pod kiju. Moraju da počnu da grade svoju kuću, da imaju svoj poslanički klub, svoje mjesto u Srbiji i da pomognu nama da sve što smo zacrtali kao legitimne političke ciljeve ostvarimo.

Pokušaćemo da im kažemo da je dosta bilo mobe, da ne glasaju za tuđe velike poslaničke liste, nego da se koncentrišu na našu listu. Govorićemo im o pozitivnom primjeru Vojvođanskih Mađara koje su gospoda Pastor uspjeli da okupe i sada su poželjan partner i Vladi Srbije i EU. Reći ćemo im

njina, mogli bi svi da nađu interes u zajedničkom klubu.

*Jeste li spremni i za vlast i za opoziciju?*

Da. Imamo želju da nastavimo održivi razvoj nedovoljno razvijenih područja. Međutim, ljudi iz mog tima su toliko sposobni da svako od njih može da bude ministar. Naravno, razgovaraćemo sa svima i radićemo sa onim ko pokaže spremnost da učini nešto za Bošnjake i druge manjine i nema ništa protiv toga da se Bošnjaci osjećaju ravnopravnim građanima ove zemlje.



# Jedinstvo Bošnjaka gradimo sa narodom

## SDA Sandžaka izlazi samostalno na izbore

Na press konferenciji SDA Sandžaka 14. februara 2014. godine, javnosti se obratio Predsjednik stranke Dr Sulejman Ugljanin.

Predsjednik Ugljanin je naglasio da je SDA Sandžaka kao prepoznatljiva i autentična politička stranka pokušala da ujedini sve bošnjačke lidere u Sandžaku i time spriječi rasipanje bošnjačkih glasova i da lideri tih stranaka su našli svoj lični interes na listama velikih političkih stranaka.

Predsjednik Ugljanin je potvrdio da SDA Sandžaka izlazi samostalno na izbore, jer drugi sandžački politički lideri nisu podržali inicijativu o zajedničkom izlasku, te da će SDA Sandžaka nastaviti da radi na ujedinjenju Bošnjaka kako bi na kraju dobili svoj poslanički klub od najmanje pet poslanika.

„Za protekla četiri dana u Sandžaku je prikupljeno blizu 12.000 potpisa i ako nastavimo ovako imaćemo oko 60.000 i izbori su završeni“, istakao je Dr Ugljanin, dodavši da u Sandžaku vlada veliko raspoloženje i da se vidi snaga koja teži ujedinjenju i jednoj izbornoj listi.

Predsjednik Ugljanin je istakao da je došlo vrijeme da Bošnjaci dobiju svoj poslanički klub u Skupštini Srbije. On je takođe rekao da SDA Sandžaka ima podršku određenih manjina i da će njihovi predstavnici biti na izbornoj listi SDA Sandžaka.

Održana Sedma skupština SDA Sandžaka

# Novi Statut Stranke, pravna sigurnost i evropska budućnost

**Sedma skupština donela je novi Statut koji pored modernizacije Stranke uvodi i nove organe među kojima je Izvršni odbor SDA Sandžaka**

U Novom Pazaru je 16.02.2014. godine održana 7. Skupština stranke, na kojoj je prisustvovalo 238 zastupnika. Na skupštini su usvojene izmene Statuta Stranke.

Razmatrana je i aktuelna politička situacija u Sandžaku, sa aspekta pravne sigurnosti u Sandžaku.

Na osnovu argumentovanih diskusija narodnih poslanika i pravnog tima Stranke, potkrijepljenih nepobitnim činjenicama i javnim svedočenjima bliskih saradnika Ra-

sima Ljajića, više nerasvijetljenih ubistava Bošnjaka u Sandžaku, oružanog nasilja i drugih zločina koji su pripremani i počinjeni protiv rukovodstva SDA Sandžaka, čla-

nova njihovih porodica, te članova i imovine Stranke.

Skupština stranke je donijela sljedeću odluku:

-Da se pred nadležnim državnim organima obnovi postupak i proširi istraga za politički motivisano ubistvo Ruždije Durovića, odborničkog kandidata SDA Sandžaka, koje se desilo 10.09.2006. godine, a prema svedočenju Eršana Gegića osuđenog za ubistvo Ruždije Durovića, koji u pisanoj formi optužuje Rasima Ljajića kao naredbodavca za ovo ubistvo.

-Da se pred nadležnim državnim organima pokrene postupak protiv Rasima Ljajića za podstrekivanje i saučesništvo u pripremanju i izvršavanju počinjenih zločina po svedočenju Ismeta Ramovića iz Novog Pazara i Bahrije Beganovića iz Prijepolja, koji su javno svedočili i izrazili spremnost da svedoče pred sudom.

-Da se pred nadležnim državnim organima pokrene istraga protiv tadašnjeg gradonačelnika

Novog Pazara, Mirsada Đerleka, njegovog pomoćnika Fevzije Murića i NN lica za neovlašćeni upad u službene prostorije SDA Sandžaka 17.01.2009. godine i oružani

napad na predsjednika SDA Sandžaka i ministra u Vladi Srbije Dr Sulejmana Ugljanina, članove



*Skupština je, na osnovu svjedočenja bliskih saradnika Rasima Ljajića, donijela zaključke o pokretanju postupaka protiv Rasima Ljajića, Mirsada Đerleka, Fevzije Murića i više NN lica*

najviših organa Stranke, rukovodstva gradskog odbora SDA Sandžaka iz Novog Pazara i članove biračkih odbora Stranke.

Skupština je naložila Glavnom odboru Stranke da u skladu sa Statutom, pokrene postupke kod nadležnih državnih organa za pomenute slučajeve.

Stranka demokratske akcije Sandžaka predala listu za parlamentarne izbore

## SDA Sandžaka - Dr. Sulejman Ugljanin jedina Bošnjačka lista na ovim izborima

Stranka demokratske akcije Sandžaka predala je Republičkoj izbornoj komisiji 18. februara 2014. godine svoju izbornu listu za predstojeće parlamentarne izbore, zakazane za 16. mart.

Lista će nositi naziv "SDA Sandžaka - Dr Sulejman Ugljanin", koju je svojim potpisima, za samo četiri dana, podržalo preko 12.000 birača. Lista će biti pod rednim brojem 10.

Nosilac i prvi na izornoj listi će biti predsjednik SDA Sandžaka Dr Sulejman Ugljanin. Među kandidatima će biti veliki broj mladih i žena, a takođe i dva aktuelna poslanika u Republičkom parlamentu, Enis Imamović i Bajro Gegić.

Predsjednik, Dr Sulejman Ugljanin je izjavio da će SDA Sandžaka voditi fer i korektnu kampanju.

"Pokazali smo svoju dosljednost i ovoga puta. Bošnjaci će imati priliku da glasaju svoje i dobiju poslanički klub", rekao je Ugljanin nakon predaje liste.

Naglašeno je da je SDA Sandžaka je-

dina Bošnjačka lista na ovim izborima i da će građani na izborima imati priliku da izaberu svoje legitimne i autentične predstavnike u Narodnoj skupštini.



10



Republička izborna komisija je na sjednici održanoj 19. februara 2014. godine,  
pod rednim brojem 10, proglasila izbornu listu  
SDA Sandžaka - Dr. Sulejman Ugljanin

### LISTA KANDIDATA ZA NARODNE POSLANIKE SDA SANDŽAKA - DR. SULEJMAN UGLJANIN \*

1.	<i>Dr. Sulejman Ugljanin</i>	<i>Doktor stomatologije</i>	<i>Novi Pazar</i>
2.	<i>Enis Imamović</i>	<i>Profesor</i>	<i>Novi Pazar</i>
3.	<i>Sabina Dazdarević</i>	<i>Diplomirani inženjer elektrotehnike</i>	<i>Novi Sad</i>
4.	<i>Mustafa Baltić</i>	<i>Diplomirani arheolog</i>	<i>Sjenica</i>
5.	<i>Selma Džinović</i>	<i>Diplomirani inženjer elektrotehnike</i>	<i>Prijepolje</i>
6.	<i>Mr. Amela Saković</i>	<i>Magistar prehrambene tehnologije</i>	<i>Priboj</i>
7.	<i>Nataša Tošić</i>	<i>Advokat</i>	<i>Zaječar</i>
8.	<i>Ahmedin Škrijelj</i>	<i>Diplomirani pravnik</i>	<i>Novi Pazar</i>
9.	<i>Bajro Gegić</i>	<i>Profesor matematike</i>	<i>Tutin</i>
10.	<i>Edina Hamidović</i>	<i>Master ekonomije</i>	<i>Sjenica</i>
11.	<i>Admir Mušović</i>	<i>Profesor</i>	<i>Prijepolje</i>
12.	<i>Enisa Šipka</i>	<i>Diplomirani pravnik</i>	<i>Priboj</i>
13.	<i>Nafilj Sejđović</i>	<i>Diplomirani ekonomista</i>	<i>Novi Pazar</i>
14.	<i>Šemsudin Kučević</i>	<i>Diplomirani politikolog</i>	<i>Tutin,</i>
15.	<i>Anida Mujović</i>	<i>Diplomirani ekonomista</i>	<i>Sjenica</i>
16.	<i>Edib Kajević</i>	<i>Diplomirani ekonomista</i>	<i>Prijepolje</i>
17.	<i>Simbad Čelović</i>	<i>Diplomirani ekonomista</i>	<i>Priboj</i>
18.	<i>Selma Hodžić</i>	<i>Student</i>	<i>Novi Pazar</i>
19.	<i>Kaso Avdović</i>	<i>Profesor ruskog jezika</i>	<i>Sjenica</i>
20.	<i>Sabahudin Obućina</i>	<i>Profesor hemije</i>	<i>Prijepolje</i>
21.	<i>Emina Fazlić</i>	<i>Ekonomista</i>	<i>Priboj</i>
22.	<i>Aldin Zoranić</i>	<i>Profesor</i>	<i>Novi Pazar</i>
23.	<i>Muhedin Fijuljanin</i>	<i>Diplomirani politikolog</i>	<i>Sjenica</i>
24.	<i>Sadija Hodžić</i>	<i>Diplomirani ekonomista</i>	<i>Prijepolje</i>
25.	<i>Mithat Šabanović</i>	<i>Diplomirani pravnik</i>	<i>Novi Pazar</i>
26.	<i>Senad Mahmutović</i>	<i>Diplomirani ekonomista</i>	<i>Sjenica</i>
27.	<i>Amela Spahić</i>	<i>Diplomirani pravnik</i>	<i>Novi Pazar</i>
28.	<i>Naser Hodžić</i>	<i>Diplomirani ekonomista</i>	<i>Sjenica</i>
29.	<i>Hazbo Mujović</i>	<i>Diplomirani inženjer mašinstva</i>	<i>Sjenica</i>
30.	<i>Selma Kuloglija</i>	<i>Diplomirani inženjer poljoprivrede</i>	<i>Priboj</i>
31.	<i>Husnija Metović</i>	<i>Lekar specijalista</i>	<i>Sjenica</i>
32.	<i>Fahrudin Đekić</i>	<i>Diplomirani pravnik</i>	<i>Novi Pazar</i>

\* Na listi kandidata za narodne poslanike SDA Sandžaka od prvih sedam mjesta četiri mandata pripada ženama. Od ukupno 32 kandidata ženama pripada 12 mjesta pod rednim brojevima 3, 5, 6, 7, 10, 12, 15, 18, 21, 24, 27 i 30.

## AKTIVNOSTI ASOCIJACIJE MLADIH SDA SANDŽAKA

AM SDA Sandžaka sa turskim premijerom Redžepom Tajpom Erdoanom

## AM SDA Sandžaka u Turskoj na seminaru posvećenom izbornim kampanjama

Predstavnici Asocijacije mladih SDA Sandžaka sastali su se 25. februara 2014. godine sa premijerom Turske Redžepom Tajpom Erdoanom na skupu



poslaničke grupe AK Partije u turskom parlamentu. Premijer Erdoan je izrazio zadovoljstvo susretom i

dao je punu podršku saradnji izmedju omladinskih organizacija AK partije i SDA Sandžaka.

Asocijacija mladih SDA Sandžaka nalazi se u višednevnoj posjeti Turskoj na poziv mladih AK Partije. Grupa od 20 članova Asocijacije mladih SDA Sandžaka koju predvodi predsjednik Edin Gudžević učestvuje u edukativnom programu, na kome su predavači poslanici, potpredsjednici, savetnici i najbliži saradnici premijera Turske Erdoana. Tokom ove posjete delegacija AM SDA Sandžaka imala je više sastanaka sa rukovodstvom omladine i predsjednikom mladih AK partije Zaferom Čubukću.

## Asocijacija Mladih SDA Sandžaka poziva omladinu da se upiše u birački spisak

Asocijacija mladih SDA Sandžaka pozvala je sve mlade, koji su stekli punoljetstvo u protekloj godini, da provjere da li su upisani u birački spisak.

Naredni parlamentarni izbori će biti prava prilika da omladina Sandžaka, koja je prvi put stekla pravo glasa, pokaže svoju odgovornost i aktivno učestvuje u kreiranju svoje budućnosti.

Asocijacija mladih SDA Sandžaka je uvjerena da će mladi imati vodeću ulogu u ostvarivanju prava Bošnjaka i svojim glasom potvrditi ideje i ciljeve kojima ih je SDA Sandžaka vodila u prethodne 24 godine.



**Gostovanje Predsjednika SDA Sandžaka  
Dr. Sulejmana Ugljanina  
na jutarnjem programu TV Pink,  
20. februara 2014. godine**



# SDA SANDŽAKA ĆE NAJBOLJE PROĆI NA IZBORIMA

*Posle neuspelih pokušaja da nađu ozbiljne koalicione partnere za predstojeće izbore, ali i propale ideje o formiranju bošnjačkog bloka, Stranka demokratske akcije Sandžaka na izbore izlazi samostalno.*

*Koliko pov erenja očekuju od bošnjačke zajednice i na koji način će se boriti za njihove glasove, o tome ćemo razgovarati sa Sulejmanom Ugljaninom. On je lider SDA Sandžaka i ministar bez portfelja zadužen za održivi razvoj nerazvijenih opština. Dobro jutro i dobro došli ministre.*

Dobro jutro, hvala.

*Želimo vam dobro jutro i dobrodošlicu, i kako su tekli ti predizborni razgovori, sa kim ste sve razgovarali, pa se u nekoga možda i razočarali, i odlučili mi idemo sami?*

Bilo je dinamično, razgovarali smo i sa svim manjinama. Prvenstveno smo počeli sa ciljem da formiramo bošnjački blok. Da spriječimo rasipanje bošnjačkih glasova, kao što je to bilo prije dvije godine i unazad nekoliko puta.

Međutim, nismo uspjeli u tome...

*Da li će tako biti i ovog puta?*

Ovog puta smo spriječili rasipanje glasova. Mi smo kao prepoznatljiva bošnjačka stranka odlučili da izađemo na izbore samostalno, i pružimo priliku Bošnjacima da glasaju za sebe.

*S kim ste sve razgovarali? Dakle, hajde dok ne krenemo konkretno u razgovor o vašem programu i šta je to što ćete Bošnjacima ponuditi?*

Mi smo razgovarali prvenstveno sa bošnjačkim blokom u Sandžaku, sa svim bošnjačkim strankama, pojedinačno, i o tome smo svakodnevno obavještavali javnost. Mi smo njih pozivali da nađemo neki zajednički interes, da izađemo na jednoj listi, i da dobijemo poslanički klub. Rekli smo im da je svake godine, poslije svakih izbora, ima u svim velikim državotvornim srpskim strankama najmanje po jedan Bošnjak...

*Zašto je važno imati poslanički klub, i šefa poslaničkog kluba?*

Da možete da učestvujete u sastavljanju dnevnog reda za Skupštinu, da postavljate važna pitanja po tu zajednicu, po Bošnjake. Drugo, imate u samom startu kod dobijanja glasova, kod govora u Skupštini imate 20 minuta. U svim dosadašnjim mandatima bilo je u velikim državotvornim srpskim strankama najmanje 7 Bošnjaka u Skupštini Srbije. Mi smo razgovarali sa svima, da vidimo šta to nude velike stranke, da vidimo kakve mi to šanse imamo da ubedimo sve Bošnjake da budu sa nama. Nakon toga smo videli šta nude velike stranke Bošnjacima da dođu na njihove liste. Primamljive stvari nude ljudima, i svako se od tih bošnjačkih, mini lidera udomio na po jednoj velikoj listi drzavotvornih stranaka.

*Ko mislite da će najbolje proći?*

Najbolje će proći SDA Sandžaka.

*Hajde da krenemo redom. Dakle, Rasim Ljajić je na listi SNS-a, dobio*

*je, koliko je rekao, 10 mesta, recimo da je toliko...*

Dobro, deset mjesta, ali za Bošnjake ni jedno mjesto.

*Šta to znači za stranku svoju?*

Za Bošnjake Sandžaka ni jedno mjesto. U stvari, mi ne očekujemo od njega, on je jedna socijaldemokratska velika srpska stranka, i njemu je cilj da dobije deset mjesta, da po svakom poslaniku dobije toliku svotu novca, i da razvija jednu veliku svoju stranku koja će da bude...

*Dobro, to je znači Rasim, drugi je muftija, koji je sa LDP-om, sa Čedomirom Jovanovićem.*

Da..

*Odakle ta kombinacija, je li vama to prirodna i logična kombinacija sada?*

Potpuno neprirodna kombinacija, međutim, u politici je sve moguće. Neprirodna kombinacija.

*Ali, zašto ste nas vi političari navikli da nam je u politici sve moguće?*

Pa, vidite, ja držim do onoga što ja radim. Vi znate, kada sam ja razgovarao sa bilo kim, kad sam razgovarao, svakog dana je išlo saopštenje za javnost s kim smo razgovarali, o čemu smo govorili, u čemu smo se složili, a u čemu se nismo složili. Međutim, mi smo vodili razgovore javno, svi ostali su vodili razgovore tajno.

*Ali, recite nam nešto više o samom muftiji, dakle, vi ste iz tog kraja, mi njega znamo kao verskog*

*lidera?*

Vidite, ja znam jedno, dok je gospodin Zukorlić bio blizak Đinđiću, Živkoviću, Koštunici i Tadićevoj Vladi, i dok je god gazio SDA Sandžaka i rušio SDA on je bio pože-

***... Ako vođa, idući sa svojim ljudima, bez znanja vlasnika ubere jednu jabuku, njegovi sljedbenici čupaju drveće iz korijena, znači, vođa mora da vodi računa o detaljima, kako se smije, kako govori, kako priča, šta radi ...***

ljan, on je bio poželjan na svim televizijama, na svim univerzitetima, maltene pričao je o fiskalnoj politici, bio najugledniji, najljepši, najposobniji, najpametniji, a onog dana kad je on počeo da traži ono zbog čega je mene rušio onda je... počeli su da mu čupaju nokte.

*Je li možemo da zaključimo u stvari da je Ljajić taj koji je želeo vas da ruši s obzirom da se Ljajić pominje u svakoj, od tih kombinacija?*

To je istina, i zato dobije uvijek mjesto na velikim listama, velikih državotvornih stranaka, prvo dva poslanika, pa četiri, pa šest, pa osam, pa deset. Šta to znači? Svi oni koji žele da gaze svoju manjinu, da ruše svoje sunarodnike dobiće dobro mjesto na listama velikih državotvornih stranaka. Ali, da znate, to je antievropski.

*Objasnite nam samo, zašto je*

*Sandžak toliko ovoga puta u fokusu političkih stranaka? Nekako nam se čini da ste bili, hajde, u prethodnih nekoliko godina malo skrajnuti, e sada se čini da se svi plaše tog područja, hajde to tako da kažemo.*

Evo, da vidite, imali smo prije nepunih deset dana situaciju u Bosni... cijelu bosansku situaciju. U Bosni, kada su Bošnjaci imali jednu ili dvije stranke, imali su predsjednika države, imali su većinu u Vladi i pitali su se. Nakon toga se podijelili na 49 stranaka, ni jedna stranka nema legitimitet, svak napada svakoga, i dobili smo jedan ekonomski sunovrat, ekonomsku provaliju u Bosni.

*Znači to, bosansko pitanje je sada političko pitanje?*

Kako da ne, zato što niko, kada se podijeli na mnogo stranaka, niko od njih nema legitimiteta da predstavlja bilo koga i svako se žali: "Ja bih predstavljao, ali me ljudi neće." Pa, ne mogu ni da te hoće kad imaš 50 stranaka.

*Dobro, ali kakve to veze ima sa Srbijom?*

Evo, pođimo od manjina, kao što je bošnjačka manjina. Sudbina manjina je ista u svim državama. Velike državotvorne stranke pocijepaju manjine na svojim listama, i naprave im da unaprijed izgube svaku moguću šansu da učine nešto za sebe...

*Zato što znaju da ne mogu da se ujedine?*

Zato što ih prvo oni razjedine, pa onda, normalno, svako za

sobom povuče nekog. Oni izaberu ugledne ljude, ugledne među njima, lidere političkih stranaka. Isto kao ribolovci, stave na udicu ono što ribe vole i svaka povuče grupu riba oko sebe i tako hvataju ribe. Uzmimo Srbe u Crnoj Gori. Srbi su jedna vrlo velika zajednica, srpski narod je veliki narod u Crnoj Gori, 33%. I, šta imaju sad? Ni jednog poslanika nemaju. Zašto? Razbili su se u desetak stranaka. Da bi manjine uspjele, moraju da budu značajan politički faktor. Da bi to bili, moraju da prestanu da grade tuđe kuće. I, da naprave svoju kuću u Skupštini Srbije, a to je poslanički klub.

*A, zašto je nekako u fokusu naših, hajde da kažemo, naših političara koji su trenutno aktuelni i koji su na vlasti, koji su u opoziciji, zašto je toliko Sandžak u fokusu, zašto su se svi okrenuli ka razgovorima sa vama, sa nekima od vas.*

To vi zapažate sad. Međutim, u fokusu je Sandžak od 90. godine. Ranije smo imali neku aferu... i JUL, sad smo dobili Ljajića i SDP, i svi oni koji su više nanosili zlo Bošnjacima, dobili su povoljnije mjesto na listama većih stranaka i veći broj poslaničkih mjesta.

*Zar izbori nisu idealna situacija za manjine, dakle, svi nekako sada pred izbore moraju da pričaju, pa čak možda i ono što ne misle. Dakle, svi moraju da vas vole, da dolaze kod vas, svi moraju vama nešto da nude, prosto takva je tendencija, takvi su evropski principi, takvo nam je društvo, nekako ide, što je potpuno u redu. Zašto sada manjine ne iskoriste momenat, prvo da se sami dobro organizuju i da dakle, dođu*

*najmanje do tog poslaničkog kluba o kome govorite.*

Nijedna manjina nema pristup velikim medijima, eto, zahvaljujući vašoj dobro volji, ja već koliko puta koristim ovu vašu televiziju i dobijam mogućnost kao predstavnik jedne manjine. Vi dobijate velike poene i dobićete sigurno, kod ljudi u Srbiji i šire u svijetu, zbog vaše otvorenosti prema manjinama. Manjine nemaju medije, nemaju novac, nemaju uticaja, samim tim, nemaju para za izbornu kampanju. Ne mogu da skupe 10 hiljada potpisa.

*Ali vi ste takođe uradili, odnosno barem se nama tako čini opet a vi ćete nas ispraviti jeste teško skupili 10,000 potpisa.*

*Objavili ste to kao veliki uspeh?*

Ne. Nismo kao uspeh, nego smo objavili da smo mi dobili samo za četiri dana 12,830 potpisa. Mi smo prvi dan mobilnim telefonima pozvali ljude, da dođu, da nam daju potpise. To je bilo u ponedjeljak, a u četvrtak smo imali 12,830 potpisa.

*Šta vam to govori?*

To govori da je interesovanje sve veće i veće. Da u čitavoj Srbiji je to prihvaćeno kao jedan dobar gest, kao jedan hrabar normalan gest jer smo mi omogućili Bošnjacima da glasaju za svoje. Drugo, što je vrlo važno, sutra ko će da dobjije? Ko će? Mi imamo, ja imam, SDA Sandžaka ima model za jedan izlazak Srbije iz ove situacije.

*Koji je to model*

To je moj model, na koji sam ja vrlo ponosan. I kao čovjek i kao građanin Srbije i kao ministar, a to je model održivog razvoja nedo-

voljno razvijenog područja. To je formula za spas Srbije. Mi smo 30-ak godina...

*Hoćete da krenete od vašeg kraja. S obzirom da mnogi kažu i svako ko je bio nedavno u vašem kraju kaže: "Ovo je nekada bio mnogo razvijeniji deo naše zemlje". Čini se kao da je potpuno zaboravljen.*

Mi imamo jednu stvar. U najteže vrijeme kada je Srbija bila u međunarodnoj izolaciji, ekonomskoj izolaciji; kada je bila u toj blokadi, mi smo se snašli i maltene čitava Srbija se snabdijevala i garderobom i hranom iz Novog Pazara.

*Ali zašto je to stalo sada?*

Zato što su se Bošnjaci, sandžački bošnjački lideri, vrlo brzo udomili u velikim strankama i što je bilo više velikih stranaka na koje su išli Bošnjaci, SDA Sandžaka je sve manja i manja, a sve veća nezaposlenost u Srbiji.

*Čekajte, kakve to ima veze sada sa jednim farmerkama iz Novog Pazara?*

Kako da ne. Ima, kao što znate, naš je bio koncept da vratimo proizvodnju u kombinatu Raška, da spriječimo raspadanje Vojin Popovića. To je jedan veliki poljoprivredni kombinat, a svi drugi su dijelili poene na rušenju fabrike Raške, i na rušenje Vojina Popovića, ulagujući se velikim političkim liderima u Beogradu.

*Kakva je sada situacija tamo?*

Tamo je situacija ekonomski katastrofalna.

*Šta znači katastrofalna?*

To znači nezaposlenost je 53%.

*Zar 53 procenta?*

U Tutinu još veća, jer je još nerazvijeniji. Mada, Tutin već ide bržim koracima.

*Onda je nezadovoljstvo ogromno tamo, o čemu pričaju ljudi?*

Ljudi pričaju o tome šta je njih dovelo do toga i ljudi su shvatili da je podjeljenost bošnjačkih političkih lidera dovela taj nerazvijeniji kraj u još goru poziciju. Šansa je da prvi put od '90-te SDA Sandžaka dobije najmanje pet poslaničkih mjesta.

*Šta vi to planirate da ponudite? Odnosno, što ćete vi ponuditi kao svoj program u ovoj predizbornoj kampanji?*

Ljudi već znaju. Ja se trudim 2-3 godine, a posebno ove godine. U Vladi se zalažem za pravnu sigurnost. U Sandžaku vlada pravna nesigurnost. Zakoni Srbije, ove države Srbije, važe do Raške i do Ivanjice. Zato što tamo vladaju ostaci, ostaci Miloševićevog režima koji imaju vrlo veliku moć.

*Da li ti ostaci imaju ime i prezime?*

Imaju imena i prezimena i oni rade. To su ljudi koji imaju moć i koji vladaju policijom i sudstvom. I tu je najveći problem, a ja sam u ovoj vladi preko 50 puta tražio da se izvrše promjene u sudstvu i u policiji i moj koalicioni sporazum za ulazak u ovu vladu predviđao je radikalne promjene u policiji, u tužilaštvu, sudstvu i usaglašavanje nacionalne strukture.

*Ali čekajte, ako vi kao ministar niste to uspjeli, kako ćete u nekoj dru-*

*goj kostalaciji, odnosno u budućoj vladi?*

*Znate, kad pozove ministar telefonom bilo koga...*

Sve zavisi koji ministar, iz koje stranke. Ako ste ministar iz jedne bošnjačke manjinske stranke, možete da kažete sve tačno i ako vam se ne sviđa da napustite Vladu. A ja sam se trudio da ostanem u Vladi do zadnjeg trenutka, pokušavajući da ubjedim moje kolege da učine nešto.

*Danas kada ste prelistavali dnevnu štampu i pogledali naslove strana, pretpostavljam da vam je za oko zapalo ono što se dešava oko Dačića. I ono što se nalazi na svim naslovnim stranama, tema je Branko Lazarević, bivši šef Dačićevog kabineta. Šta biste, kada biste pozvali, evo Dačića, sada završite gostovanje, okrenete telefon, šta biste mu rekli? Šta biste ga savetovali?*

U ovom trenutku ništa. Mora sam da nađe rješenje. Svi lideri stranaka moraju da budu pametni i da razmišljaju o svakom potezu. Ja imam mog kolegu Ljajića, čiji su drugovi, bliski saradnici, ubijali u Sandžaku Bošnjake. Pucali, vršili oružane napade na porodice i do sad nisu odgovarali. A sada će morati i to pitanje da se otvori. Ja sam njega upozoravao kao kolegu: "Povedi računa šta tvoji ljudi rade." Skupština naše stranke prošle nedjelje je objavila ta imena i donijela odluku da se pokrene postupak kod suda za organizovani kriminal. Mislim da će to biti već negdje do petka. Ljudi su javno, preko televizije govorili, drugi su dali optužbe u pisanoj formi, da su ta ubistva, ubistvo

Ruždije Durovića, našeg odborničkog kandidata 2006. godine u septembru bilo politički motivirano ubistvo.

*A šta vam je rekao Ljajić kada ste vi njemu to rekli?*

Kaže: "Ja, pa ne znam, možda ti ljudi pričaju..." Ljajiću čuvaj se, ti si predsjednik stranke. Za sve što ljudi rade ima da optužuju tebe. Vodi računa o tome. Da znate, ima jedna narodna izreka; Ako vođa, idući sa svojim ljudima, bez znanja vlasnika ubere jednu jabuku, njegovi sljedbenici čupaju drveće iz korijena. Znači, vođa mora da vodi računa o detaljima, kako se smije, kako govori, kako priča, šta radi. Govorimo o Sandžaku. Ali imamo sad u vidu novinu, 46 nedovoljno razvijenih opština u kojima već pet godina radimo jedan čestit, važan strateški posao.

*Samo za kraj nam recite vaš stav prema ženama?*

Na mojoj izbornoj listi je žena na trećem mjestu. Na trećem, na petom, šestom, sedmom itd.

*Jeste li vi na prvom mjestu?*

Ja sam na prvom mjestu.

*Ja sad moram kao muškarac da vas pitam zašto toliku moć u rukama dajete ženama, šta vam je?*

Zato što su se žene kod nas pokazale vrlo odgovorne u poslu, predane, disciplinovane i sposobne da ono što znaju sprovedu u djelo.

*Hvala vam puno što ste bili naš gost.*

Hvala i vama.

Održana sjednica Glavnog odbora Stranke

# Pokrenuti postupke kod nadležnih državnih organa

U Novom Pazaru je 21. februara 2014. godine održana 4. redovna sjednica Glavnog odbora Stranke demokratske akcije Sandžaka.

U skladu sa odlukom 7. Skupštine Stranke Glavni odbor je donio odluku o pokretanju postupka kod nadležnih državnih organa protiv Rasima Ljajića, Fevzije Murića, Mirsada Đerleka i naoružanih NN lica zbog politički motivisanih ubistava i drugih zločina nad rukovodstvom SDA Sandžaka, članovima Stranke, članovima njihovih porodica i imovini Stranke.



Glavni odbor je ovlastio Enisa Imamovića, narodnog poslanika, da u ime Stranke pokrene kod nadležnih pravosudnih organa postupke protiv gore pomenutih lica u skladu sa odlukom 7. Skupštine Stranke.

Na sjednici je izabran Izvršni odbor Stranke na čijem je čelu magistar organizacionih nauka mr. Esad Salihović.

Na prijedlog Ahmedina Škrijelja, predsjednika Centralnog izbornog štaba, usvojen je izvještaj o radu Centralnog izbornog štaba i Izborna strategija Stranke za predstojeće parlamentarne izbore zakazane za 16. mart 2014. godine.

**Dr. Sulejman Ugljanin:**

**„Vjerujem da će istina izaći na vidjelo“**

Predsjednik Stranke Dr. Sulejman Ugljanin, rekao je u saopštenju za javnost da je zadovoljan, što će pravda konačno biti zadovoljena i što će se kroz krivični postupak utvrditi pravi krivci nemilih događaja, političkih motivisanih ubistava i drugih zločina u Sandžaku.

Veoma sam zadovoljan što se javnost konačno zainteresovala za ovaj slučaj o kome sam punih pet godina pričao na sjednicama Vlade, sa najvišim državnim rukovodstvom i zbog koga

smo u Novom Pazaru održali niz mirnih protesta. SDA Sandžaka ima ključne dokaze o ovom događaju kao i izjave saučesnika i svjedoka koji su javno izrazili spremnost da o svemu ovome svjedoče pred sudom. Zbog jakih dokaza SDA Sandžaka je hrabro izašla u javnost sa imenima i prezimenima počinioca.

Skupština stranke je 16. februara donijela odluku da se pokrene ovaj postupak pred nadležnim državnim organima.

Mislim da je ovo pravi momenat za rješavanje ovog zločina, jer je vicepremijer Aleksandar Vučić ozbiljno krenuo da se obračunava sa svima onima koji su radili i bavili se kriminalnim radnjama. On je dokazao da ga interesuje samo pravda, bez obzira da li se radi o članovima njegove stranke, koalicionim partnerima ili članovima opozicije. Iskreno vjerujem da će se tako odnositi i prema ovom postupku. U nekoliko navrata smo se za pomoć oko ovog slučaja obraćali Ministarstvu pravde, pokrenute su i neke krivične prijave protiv okrivljenih, ali oni nisu procesuirani na pravi način. SDA Sandžaka je spremna da pruži svu neophodnu dokumentaciju i pomoć oko rješavanja ovih

zločina u Sandžaku.

Napominjemo i vjerujemo, da je pravda spora, ali ipak dostižna.



**Enis Imamović, potpredsjednik stranke i narodni poslanik:**

## **Tužbe proističu iz svjedočenja Ljajićevih bliskih saradnika, članova SDP-a**

Potpredsjednik SDA Sandžaka Enis Imamović, na konferenciji za novinare, govorio je odlukama 7. Skupštine Stranke, o pokretanju postupka pred nadležnim državnim organima protiv Rasima Ljajića, a na osnovu javnih svjedočenja koje su iznijeli ljudi iz njegovog bliskog okruženja. Svjedočenje Bahrije Lutke Beganovića iz Prijepolja, Ismeta Ramovića iz Novog Pazara, te pisano svjedočenje Ertana Gegića, osuđenog za ubistvo Ruždije Durevića, odborničkog kandidata SDA Sandžaka.

"Biće pokrenute i proširenje optužnice u vezi neovlašćenog oružanog upada u prostorije SDA Sandžaka i pokušaj ubistva ministra Ugljanina, od 17. januara 2009. godine, gdje ćemo tražiti da se krivično gone inicijatori i nalogodavci ovog politički motivisanog



zločina, u prvom redu Mirsada Đerleka bivšeg gradonačelnika Novog Pazara iz redova SDP-a i Fevzije Murića, njegovog tadašnjeg zamjenika iz Stranke za Sandžak", rekao je Imamović.

Njihove kriminalne radnje po riječima Imamovića, dovele su Novi Pazar na rub propasti, čime nastavljaju njihov očigledan zadatak da što više zagorčaju život Bošnjacima i unište sve u Sandžaku.

"Tražimo da se ispitaju svi navodi iz ovih svjedočenja i da se pokrenu sudski postupci protiv Rasima Ljajića, koji je od ovih ljudi označen kao inspirator i nalogodavac ovih politički motivisanih zločina" kazao je Imamović.

***"Mi smo odlučni, dosta je bilo, ili ćemo mi iskorijeniti teror i organizovani kriminal u Sandžaku ili će teror i organizovani kriminal iskorijeniti nas"***



Priboj, 22. februar 2014.



Novi Pazar, 23. februar 2014.

## Pripremni skupovi u sandžačkim gradovima

SDA Sandžaka održala je pripremne skupove za predizbornu kampanju u Novom Pazaru, Tutinu, Priboju, Prijepolju i Sjenici na kojima je upoznala članstvo i goste sa predizbornim programom i izbornom platformom. Na skupovima su govorili predsjednik SDA Sandžaka i mini-



Sjenica, 27. februar 2014.

star u Vladi Republike Srbije dr Sulejman Ugljanin i potpredsjednici Stranke i narodni poslanici Bajro Gegić i Enis Imamović.

Glavna poruka sa ovih skupova je pravna sigurnost i evropska budućnost koji znače i održivi ekonomski razvoj za Sandžak i nerazvijena područja.

**Skup u Sjenici počeo je sjećanjem na ubijene Bošnjake koji su prije 21 godinu, 27. februara 1993. godine, oteți iz voza 671 Beograd-Bar u mjestu Štrpci.**



Prijepolje, 22. februar 2014.



Tutin, 23. februar 2014.

## Pripremni skup u Novom Pazaru



## Pripremni skup u Tutinu



## Pripremni skup u Prijepolju



## Pripremni skup u Priboju



## Pripremni skup u Sjenici



TRADICIJA I BUDUĆNOST  
SDA SANDŽAKA - DR. SULEJMAN UGLJANIN

10



BUDI ONO ŠTO JESI

10

GLASAJ  
ZA SEBE

10

BIRAJ SVOJE

SDA SANDŽAKA - DR. SULEJMAN UGLJANIN

10

SDA SANDŽAKA - DR. SULEJMAN UGLJANIN



DOSLJEDNI

TRADICIJI I EVROPSKOM PUTU

10

SDA SANDŽAKA - DR. SULEJMAN UGLJANIN



## AKTIVNOSTI U VLADI REPUBLIKE SRBIJE

Proslava Dana Indijskog programa tehničko-ekonomske saradnje ITEC Beograd, 21. februar 2014. god.

## Ministar Ugljanin počasni gost na proslavi ITEC-a u Beogradu

Ministar Dr. Sulejman Ugljanin, zadužen za održivi razvoj nedovoljno razvijenih područja, bio je počasni gost na prijemu povodom Dana ITEC – a (Indijskog programa tehničko - ekonomske saradnje) u hotelu „Hayat“.

U svom zvaničnom obraćanju, ministar Ugljanin rekao je sljedeće:

"Vaša ekscelencijo Čauhan, dragi gosti i prijatelji, dozvolite da Vas srdačno pozdravim u ime Vlade Republike Srbije i u svoje lično ime.

Želim da Vam kažem, koliko sam srećan što sam danas u prilici, da, zajedno sa Vama proslavim ovaj važan dan, koji se obeležava u čast uspešne realizacije „Indijskog programa tehničko ekonomske saradnje“ u našoj zemlji.

Indija je jedna moćna zemlja, zemlja divnih ljudi koja sa Srbijom tradicionalno održava i njeguje dobre odnose. Ovaj program koje finansira Ministarstvo spoljnih poslova Indije, stvorio je odlične uslove za jačanje ekonomske saradnje naših zemalja.

Koristim priliku da Vam se lično zahvalim, što ste prepoznali naše znanje i talenat i što ste našim ljudima omogućili dodatno stručno obrazovanje u različitim oblastima obuhvaćenim ovim progra-

mom. Utisci koje su nam prenijeli polaznici iz Srbije su ohrabrujući.

Kao ministar u Vladi zaduženog za održivi razvoj nedovoljno razvijenih područja u Srbiji, ovaj vaš program ocjenjujem kao najbolji poklon Republici Srbiji. Nema boljeg dara od poklanjanja znanja primenjivog u praksi. Upravo je to, ono što nam najviše treba i što će najbrže da proizvede vidljive rezultate u ekonomskom razvoju naše zemlje.

Ovo nam je najvrijedniji i najdraži poklon koji nam je neko poklonio.

Raduje me činjenica da je ekonomska saradnja naših zemalja krenula uzlaznom putanjom, ali, istovremeno izražavam uvjerenje, da ćemo u budućnosti još jače i čvršće saradivati.

Želim Vam svu sreću i lijep ugođaj." zaključio je ministar Ugljanin.



Prijem kod ambasadora Kuvajta, 24. februara 2014. godine

## Ambasada Kuvajta obeležila 53. godišnjicu nezavisnosti države

Ambasada Kuvajta u Beogradu, povodom 53. godišnjice nezavisnosti te države, organizovala je svečani prijem u beogradskom hotelu Hajat, kojem je prisustvovalo više stotina zvanica.

Ambasador Jusuf Ahmad Abdulsamad rekao je da diplomatski odnosi Srbije i Kuvajta traju više od pola veka, da su odnosi prijateljski i da nema međusobnih otvorenih pitanja.

Među gostima na prijemu bili su ministar dr. Sulejman Ugljanin, ambasadori Alžira N.J.E. Abdelkader Mesdoui, Nemačke N.J.E. Hajnc Vilhem, Norveške Nils Ragnar Kamsvag, Palestine N.J.E. Muhemaed Nabhan, Tunisa N.J.E. Majid Hamlaoui, Libana N.J.E. Tufik Žabir, Prestolonasljednik Aleksandar Karađorđević

i princeza Katarina, savjetnik predsjednika Republike Srbije Oliver Antić kao i druge visoke zvanice.



## AKTIVNOSTI U VLADI REPUBLIKE SRBIJE

Manifestacija koju je organizovala ambasada Indonezije 25. februara 2014. godine

## “Predivne noći Indonezije” u Beogradu

Ministar u Vladi Republike Srbije dr. Sulejman Ugljanin, prisustvovao je manifestaciji „Predivna noć Indonezije“, koja se 25. februara održala u hotelu Kraun Plaza u Beogradu, u organizaciji ministarstva turizma i kreativne ekonomije Republike Indonezije i ambasade Republike In-

donezije u Srbiji, a povodom učešća Indonezije kao zemlje partnera na 36. Sajmu turizma u Beogradu.

Gostima su se obratili N.J.E. g-din Samuel Samson, ambasador Republike Indonezije u Srbiji, Dragica Nikolić, supruga predsjednika Srbije Tomislava Nikolića i predstavnici ministarstva turizma i kreativne ekonomije Republike Indonezije.

Tokom „Predivne noći Indonezije“ nastupilo je preko sto članova kulturno-umjetničkih grupa i najtalentovanijih dizajnera iz ove zemlje.



Alžir unapređuje turističku saradnju sa Srbijom  
Gala večera, Hotel Hayat, 28. februara 2014. godine

## Turizam važan faktor razvoja i saradnje

Povodom promocije turističke ponude Alžira u Hotelu Hajat priređena je gala večera na kojoj je prisustvovao ministar dr. Sulejman Ugljanin.

Ove godine na međunarodnom Sajmu turizma u Beogradu prvi put predstavljena je turistička ponuda Alžira, sa ciljem, kako navode predstavnici te zemlje, da se unaprijedi saradnja sa Srbijom u toj oblasti, kao i da se ta zemlja promoviše kao turistička destinacija.

Ambasador Alžira u Srbiji N.J.E. g-din Abdelkader Mesdoua rekao je na konferenciji za novinare da ovogodišnje učešće na Sajmu turizma u Beogradu predstavlja važan signal da ta zemlja želi da prati Srbiju u toj oblasti.

U Alžiru postoji jaka politička volja da turizam postane jedan od nacionalnih prioriteta i postoji snažan interes za ulaganje u taj sektor, kazao je ambasador Alžira u Srbiji N.J.E. g-din Abdelkader Mesdoua.



Direktor Nacionalne turističke organizacije Alžira g-din Šelufi Rašid rekao je da veze između Srbije i Alžira treba još više da se unaprijede, ukazavši da je turizam predmet velikog interesovanja alžirskih vlasti.





**Atmosfera sa prikupljanja  
potpisa podrške listi  
SDA Sandžaka -  
Dr. Sulejman Ugljanin**

